

Na osnovu članka 15. stav 3. Zakona o budžetima u Federaciji Bosne i Hercegovine ("Službene novine Federacije BiH", broj 19/06), Vlada Federacije Bosne i Hercegovine donosi

## **U R E D B U**

### **O UTVRĐIVANJU VLASTITIH PRIHODA I NAČINA I ROKOVA RASPODJELE I OSNOVNE ODREDBE**

#### **Član 1.**

Ovom Uredbom utvrđuju se vlastiti prihodi, način i rokovi raspodjele. Odredbe ove Uredbe odnose se na korisnike budžeta Federacije Bosne i Hercegovine (u daljnjem tekstu: Federacije), kantona, općina, gradova i vanbudžetska fondove (u daljnjem tekstu: korisnici budžeta).

#### **Član 2.**

Pod vlastitim prihodima u smislu ove Uredbe podrazumijevaju se prihodi koje korisnici budžeta ostvare obavljanjem osnovne djelatnosti i ostalih poslova budžetskih korisnika na tržištu.

Pod vlastitim prihodima ne podrazumijevaju se prihodi koje korisnici budžeta ostvare obavljajući osnovnu djelatnost propisanu zakonima ili drugim propisima o osnivanju, za koju je propisima utvrđena visina naknade za usluge koje pružaju pravnim i fizičkim licima, kao ni prihodi ostvareni u internom poslovanju između korisnika budžeta na istom nivou vlasti.

#### **Član 3.**

Prihodi iz člana 2. stav 1. ove Uredbe uplaćuju se na depozitne račune javnih prihoda budžeta u skladu s Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH", broj 29/06 i 46/06).

Gotovinske uplate po osnovu vlastitih prihoda evidentiraju se i uplaćuju na depozitni račun najkasnije sljedeći dan po prijemu uplate.

Način popunjavanja naloga za uplatu vezano za prikupljanje i evidentiranje vlastitih prihoda

vrši se u skladu sa Uputstvom o izvršenju budžeta sa Jedinственog računa trezora ("Službene novine Federacije BiH", broj 43/02).

## II NAČIN I ROKOVI RASPODJELE

### Član 4.

Korisnik budžeta je dužan na osnovu planiranih vlastitih prihoda planirati i rashode koje će pokriti iz tih prihoda.

Vlastite prihode iz člana 2. stav 1. ove Uredbe korisnik budžeta koristi za pokriće izdataka nastalih obavljanjem tih poslova, a ostatak za tekuće i kapitalne izdatke.

Vlastiti prihodi mogu se koristiti samo u toku fiskalne godine, a neutrošeni dio vlastitih prihoda postaje javni prihod budžeta.

### Član 5.

Utvrđivanje vrste vlastitih prihoda i načina i rokova raspodjele detaljnije će se urediti Pravilnikom o vrsti vlastitih prihoda, načina i rokova raspodjele.

Pravilnik iz stav 1. ovog člana donosi svaki korisnik budžeta na koji mišljenje daje Federalno ministarstvo finansija, a saglasnost Vlada Federacije.

Korisnici budžeta kantona donose Pravilnik iz stava 1. ovog člana na koji mišljenje daje ministarstvo finansija kantona, a saglasnost vlada kantona.

Korisnici budžeta općina i gradova donose Pravilnik iz stava 1. ovog člana, na koji mišljenje daje služba za finansije, a saglasnost općinski načelnik, odnosno gradonačelnik.

### Član 6.

Korisnici budžeta koji su osnovani za pružanje usluga smještaja, prehrane, proizvodnje i obavljanja sličnih poslova za određenu kategoriju korisnika tih usluga, ostvarene prihode u potpunosti koriste za pokriće ukupnih rashoda.

### Član 7.

Obaveza za blagovremenu naplatu potraživanja po osnovu vlastitih prihoda, kao i preduzimanje svih mjera za njihovu realizaciju je na korisniku budžeta.

### III ZAVRŠNE ODREDBE

#### **Član 8.**

Korisnici budžeta Federacije i korisnici budžeta kantona, Pravilnik iz člana 5. ove Uredbe dužni su donijeti u roku od 90 dana od dana stupanja na snagu Uredbe. Korisnici budžeta u općinama i gradovima i vanbudžetski fondovi Pravilnik iz člana 5. ove Uredbe dužni su donijeti u roku od 90 dana od dana uspostave trezora.

#### **Član 9.**

Ova uredba stupa na snagu osmog dana od dana objavljivanja u "Službenim novinama Federacije BiH".

V broj 50/07  
24. januara 2007. godine  
Sarajevo

Premijer  
dr. Ahmet Hadžipašić, s.r.